



CONGREGATIO DE CULTU DIVINO  
ET DISCIPLINA SACRAMENTORUM

---

Adnexus decreto diei 7 mensis Octobris 2019, Prot. N. 404/19

**Additiones in Libris liturgicis Ritus Romani  
de memoria ad libitum B. Mariæ Virginis de Loreto**

IN CALENDARIUM ROMANUM GENERALEM

**DECEMBER**

10 B. Mariæ Virginis de Loreto

IN MISSALE ROMANUM

Die 10 decembris

**Beatæ Mariæ Virginis de Loreto**

**De Communi beatæ Mariæ Virginis**

**Collecta**

Deus, qui promissa Pátribus adimplens  
beátam Vírginem Mariám elegísti,  
ut matrem fieret Salvatóris,  
concéde nobis illius exémpla sectári,  
cuius humílitas tibi plácuít,  
et obœdiéntia nobis prófuit.  
Per Dóminum.

IN ORDINEM LECTIONUM MISSÆ

Dei 10 decembris

**689 bis**

**Beatæ Mariæ Virginis de Loreto**

De Communi beatæ Mariæ Virginis.

LECTIO I      **Is** 7,10-14; **8**,10, n. 707, 7.  
PS. RESP.    **Lc** 1, 46-47. 48-49. 50-51. 52-53. 54-55, n. 709, 5.  
ALLEUIA      Cf. **Lc** 1, 28, n. 711, 1.  
EVANG.        **Lc** 1, 26-38, n. 712, 4.

## IN LITURGIAM HORARUM

Die 10 decembris

### BEATÆ MARIE VIRGINIS DE LORETO

Alma Domus – quam chronica anno 1465 exarata dicit inventam nocte inter 9 et 10 decembris 1294, in ipso colle ubi adhuc est – origo est devotionis marianæ quæ in sanctuario Lauretano ostenditur, memoria mysterii incarnationis atque exemplorum evangelicorum Sanctæ Familiæ Nazarethanæ. Multi Summi Pontifices apostolicam curam sanctuario Virginis Lauretanæ tribuerunt, quæ a Benedicto XV patrona aeronautarum proclamata est. Litanie vero Lauretanæ per universam Ecclesiam diffunduntur.

**De Communi b. Mariæ Virginis: Liturgia Horarum I, præter sequentia.**

#### Ad Officium lectionis

##### LECTIO ALTERA

Ex Epistola sancti Ioannis Pauli II papæ pro VII sæculari anniversario Almæ Domus Lauretanæ

(Lettera a Mons. P. Macchi, 15 agosto 1993: *Insegnamenti di Giovanni Paolo II, XVI/2, 526-537*)

#### *Maria spatium corporale spiritualeque Incarnationis*

Lauretána Alma Domus, non “reliquia” tantum est, sed potius pretiosa ac vera “icóna”. “Icóna” non veritatum a sensibus sepositarum, sed unius eventus et mysterii, id est *Incarnationis Verbi*.

Incarnatio quidem, quæ intra has sacras parietes memoratur, statim proprium germanumque sensum biblicum recuperat; non enim de mera doctrina agitur, quæ ad unionem inter divinum et humanum attinet, sed potius de eventu, qui in exacto temporis momento ac definito loco accidit, sicut verba Apostoli mirabiliter manifestant: *Ubi venit plenitudo temporis, misit Deus Filium suum, factum ex muliere*.

Maria est Mulier; illa est, ut ita dicamus, spatium eodem tempore corporeum et spirituale in quo Incarnatio facta est. Sed Domus etiam, in qua vixit, huius rei evocatio est manifesta.

Memoria vitæ absconditæ Nazarethanæ res certas evocat et vitæ proprias omnium hominum mulierumque. Ea nempe sensum sanctitatis familiæ renovat, repente ostendens universam summam virtutum, quæ hodie tam minitæ sunt, id est fidelitas, vitæ obsequium, educatio filiorum, cura orationis, et quas christianæ familiæ denuo invenire possunt intra parietes Domus illius sanctæ, primæ atque eximie historiæ ecclesiæ domesticæ.

Domus illa alma commemorat, eodem tempore, magnitudinem vocationis ad vitam consecratam ac virginitatem pro Dei Regno, quæ præclarum habuit initium in persona Mariæ, Virginis et Matris.

Iuvenibus deinde, qui innumerabiles petunt peregrinantes ad Domum Matris, iterare cupimus ea verba quæ olim eis diximus: «Ite ad Mariam, ite cum Maria ... in corde vestro eius “fiat” resonet». Utinam iuvenes, iuxta præcepta Domus Nazarethanæ, renovare valeant

suam diligéntiam in cathólico laicórum órđine ad Christum in córdibus, famíliis, sciéntia atque societáte restituéndum.

Iustus ímpetus nostri témporis ad agnoscéndum pro muliere illum statum qui ad eam pértinet in Ecclésia et societáte, hic vero aptíssimam opportunitátem pervestigatiónis invenit. Quia *misit Deus Fílium suum, factum ex muliere*, omnes mulieres, in María, ad talem dignitátem ita elevátæ sunt ut áliam illa maiórem cogitári néqueat.

Nulla theórica considerátio, prætérea, dignitátem humáni labóris exaltáre póterit magis quam scire quod Ipse Fílius Dei Názareth laborávit et vocári permísit *fabri filius*.

Quómođo, dénique, non mentiónem fácere possímus “electiÓnis páuperum”, quam Ecclésia in Concílio fecit et magis magisque clare póstea confirmávit? Austéræ et modéstæ sanctæ Domus parietes nos ádmonent Deum Ipsum hanc electiÓnem inaugurávisse in María, quæ, sicut légitur in textum conciliarem, «præcéllit inter húmiles ac páuperes Dómini, qui salutem cum fidúcia ab Eo sperant et accípiunt».

Omni témpore étenim, ad paupertátem et passiÓnem quod áttinet, locum præcípuum in história Sanctuárii ægróti habuérunt, qui, primi ex ómnibus, peregrinántes ad Almam Domum accurrérunt et eius famam in géntibus diffuderunt. Ubinam céterum illi mélius excipiántur, nisi in Domo Illius quam in Litaníis Lauretánis invocámus sicut “salutem infirmórum” et “consolatricem afflictórum”?

«Hoc Sanctuárium Lauretánum – sicut dixit Ioáñnes XXIII – semper pátula fenéstria in univérsum orbem terrárum esse váleat, voces illas arcánas révocans, quæ animárum, familiárum populórumque sanctificatiÓnem annúntiant».

#### RESPONSORIUM

**R/.** Vere benedícta tu in mulieribus quia Deus in te pósuit tabernáculum suum. \* Consecrábis Dómino multitudines populórum.

**V/.** Quem cæli cápere non póterant, tuo grémio contulísti. \* Consecrábis.

#### Oratio

Deus, qui promíssa Pátribus adímplens beátam Vírginem Mariám elegísti, ut matrem fieret Salvatóris, concéde nobis illius exémpla sectári, cuius humílitas tibi plácuít, et obcædiéntia nobis prófuit. Per Dóminum.

#### IN MARTYROLOGIUM ROMANUM

*Addi debet ad diem 10 decembris primo loco elogium quod sequitur:*

Beátæ Mariæ Vírginis de *Loreto*, in Itália, cuius venerátio ducit ad mystérium IncarnatiÓnis Verbi Dei pro salute nostra contemplándum, nos docens ad vocatiÓnem christiánam æquo ánimo assentíri.